

Тожикистонда Ўзбекистон учун ГЭС қурилади

Тошкентда Тожикистон ва Ўзбекистон Республикаси ишчи гурӯҳларининг Тожикистон Республикаси ҳудудида Зарафшон дарёсида биргаликда ГЭС қуриш масаласини муҳокама қилиш бўйича музокаралари бўлиб ўтди.

Бугун, 28 январь куни Ўзбекистонга Тожикистоннинг энергетика ва сув хўжалиги вазирининг ўринbosари Шоимзода Жамshed Шоди бошчилигидаги делегация ташриф буюрди.



«Музокаралар давомида Ўзбекистон Республикаси Энергетика вазирининг биринчи ўринbosари Жўрабек Мирзамахмудов таъкидлаганидек, учрашувнинг мақсади Ўзбекистон Республикаси ҳукумати билан Тожикистон Республикаси ҳукумати ўртасида Зарафшон дарёсида гидроэлектр станцияларини қуриш ва улардан фойдаланишда улушбай иштирок этиш тартиби ва шартлари тўғрисидаги битим лойиҳасини муҳокама қилишдан иборат.

Маълум келишувларга эришилганидан сўнг лойиҳа тафсилотлари электр энергияни харид қилиш ва лойиҳанинг техник-иктисодий асосланишини ишлаб чиқиш тўғрисидаги битимда баён қилинади.



Гидро электр станцияларни босқичма-босқич амалга оширилиши кўзда тутилади: даставвал ҳисоб-китоб қиймати 282 млн доллар, қуввати 140 МВт бўлган, 700-800 млн. кВт-соат электр энергия ишлаб чиқарувчи Ёвон ГЭСи қурилади. Навбатдаги босқичда томонлар Фандарёда ҳисоб-китоб қиймати 270 млн доллар, қуввати 135 МВт бўлган, 500-600 млн. кВт-соат электр энергия ишлаб чиқарувчи ГЭС қурилиши имкониятини кўриб чиқади.

Курилган гидроэлектростанциялар фақат Ўзбекистон Республикаси эҳтиёжлари учун 1400 млн. кВт.с экологик соф электр энергия ишлаб чиқаради.

Шунингдек, лойиҳа ягона энерготизими қувватининг энг юқори нуқтасини сақлашга, ГЭСни бирга қуриш ва фойдаланишда қўшимча иш ўринлари яратилишига, электр энергиянинг тенг асосда Ўзбекистон ва Тожикистаннинг бошқа ҳудудларига узатилишига кўмаклашади.

Тожикистан томони таъкидлаганидек, «ушбу учршув лойиҳани амалга ошириш борасида биринчи қадам бўлиб, икки давлат етакчилари иродасини ифодалайди».



Шунингдек, делегация аъзолари Ўзбекистон томонидан энергетика соҳасида жадал ислоҳотлар амалга оширилаётганлигини таъкидлади.

Қўшимча тарзда айтиш мумкинки, Тожикистанда Зарафшон дарёсида умумий қуввати 320 МВт га тенг иккита ГЭСни биргаликда қуриш масаласини ишлаб чиқиш Ўзбекистон Республикаси президенти ва Тожикистан Республикаси президентининг 2018 йил 17 августда имзоланган Кўшма баёнотида кўзда тутилган эди.

Кейинчалик ушбу тадбир Ўзбекистон Республикаси президентининг қарори билан тасдиқланган «Йўл харитаси»да акс эттирилган», Ўзбекистон Республикаси Энергетика вазирлиги Матбуот хизмати хабарида.

манба:www.kun.uz